



KOMUNIKADO PA PRENSA

Fecha
19 di mart 2014

Account Manager
Jhanirha Anita

Email
jhanirha.anita@gmail.com

Nr.

MINISTER BALBORDA TA HASI ENTREGA: PROMÉ KAS NA SAPATÉ TA KLA!

Willemstad – Awe, 19 di mart 2014 Minister di Tráfiko, Transporte i Planifikashon Urbano Sr. Earl Alborda, huntú ku e partnernan Dusron Development and Construction B.V. i Building Depot, ta entrega e promé kas di e proyekto na Sapaté.

Na sèptèmber 2013 a duna inisio na e proyekto aki ku ta enserá un total di 52 bibienda, repartí den 26 bibienda pa kada un desaroyadó. Ta konosí ku na Kòrsou tin un demanda grandi pa tereno di èrfpagt pa traha kas. Domeinbeheer ta sera laso ku Sektor Priva, den un sistema di PPP (Public Private Partnership). Esaki ta enserá ku Gobièrnu, huntú ku un partner priva ta desaroyá tereno i konstruí kas.

Konhuntamente e partnernan, bou di guia di Domeinbeheer, huntú ku un arkitekto a hasi tur esfuerso pa por desaroyá dos kas modelo. E diseño di e kasnan ta di Lyongo Architecture. A tene kuenta ku tur aspekto ora tabata diseñá, entre otro ventilashon di bientu, seguridat, i durabilidat. E kasnan ta bini ku shutter i ta konsistí tambe di un pida pòrch. Tin 2 modelo di kas: 1) un kas di 85 m² ku dos kamber, i 2) un kas di 105 m² ku tres kamber. E kasnan aki ta bai para modelo pa otro kasnan ku Gobièrnu lo bai usa den proyektonan PPP. E modelo nan aki su derechi di outor ta di Gobièrnu.

Pa benta i informashon por tuma kontakto ku Dusron Development and Construction B.V. Pronto lo bini ku mas proyekto di bibienda. Lo bai bin ku algun modelonan adaptá a base di e diseño di e modelonan di Sapaté.

E proyekto di desaroyo di e barío di Sapaté aki, ta duna un bista kla di e modelo ku Gobièrnu lo kier sigui desaroyá. Tambe proyektonan di e magnitud aki ta duna trabou na e diferente trahadónan di e partnernan involví i ta stimulá desaroyo di nos ekonomia. Ku e esfuersonan aki Gobièrnu ta kontribuí na adelanto di nos pais.